



Fréttabréf til foreldra nýnema – haustönn 2011

Verkmenntaskólinn á Akureyri ágúst 2012

Frá Skólameistara

Ágætu foreldrar og forráðamenn nemenda.

Nú er skólastarfið komið á fulla ferð. Nýnemahátíðin nálgast og má því segja að eldri nemendur muni taka á móti nýnemunum á öllu kurteislegri hátt en hingað til. Því hefur busun verið lögð af. Margir eru farnir að mynda ný vinatengsl eftir vel heppnaðar nýnmeferðir að Hólavatni og spennandi önn er framundan í leik og starfi. Fyrstu dagarnir í framhaldsskóla eru gjarnan bæði fullir tilhlökkunar en einnig svolitlum kvíða hjá nemendum en margt getur vírst flókið í upphafi. Fyrir marga er breytingin mikil að koma innan um svo marga nemendur og starfsfólk í svo stóru húsnæði. Við, starfsmenn skólans, hlökkun ævinlega til að takast á við verkefnin framundan og kynnast nýjum nemendum. Á þessari önn byrja rúmlega 200 nemendur á sínu fyrsta ári í skólanum. Þeir koma víða að af landinu en flestir héðan af Eyjafjarðarsvæðinu. Nemendafjöldinn þessa önnina er í kringum 1330 nemendur í dagskóla.



Skólinn hefur lagt sig fram um að halda góðum tengslum við nemendur og foreldra þeirra. Þar er hlutverk umsjónarkennarans mikilvægast og hann er tengiliður ykkar við skólann. Með þessu fréttabréfi vil ég boða ykkur á **kynningarfund fyrir foreldra þriðjudaginn 4. september kl. 17:00-19:00** í Gryfjunni (gengið inn að austanverðu). Ég hvet ykkur til að hafa samband við umsjónarkennara eða stjórnendur skólans ef það er eitthvað sem þið viljið spyrja um.

Bestu kveðjur og óskir um gott gengi barna ykkar í VMA,

Hjalti Jón Sveinsson, skólameistari

Tengsl heimilis og skóla

Með nýjum lögum um framhaldsskóla frá árinu 2009 er foreldrastarfi gert hærra undir höfði en áður í starfsemi framhaldsskólanna með því að kveða á um að í hverju þeirra sé starfandi svokallað foreldraráð. Í VMA hefur verið starfandi foreldrafélag frá haustinu 2005. Mikilvægt er að rödd foreldra heyrir innan skólans og hefur formaður og stjórn foreldrafélags ávallt verið í góðu sambandi við skólameistara. Formaður hefur setið fundi skólanefndar og séð um að boða fundi í foreldrafélaginu 2-3 sinnum á önn. Foreldrafélagið hefur komið að ýmsum málum innan skólans sérstaklega þeim sem snúa að vellíðan nemenda. Á kynningarfundinum á þriðjudaginn mun

skólameistari óska eftir foreldrum/forráðamönnum til að taka þátt í stjórn foreldrafélagsins og vilji fólk láta vita af sér fyrir fundinn þá sendið póst til skólameistara (hjalti@vma.is).

Verið velkomin á kynningarfundinn í VMA **þriðjudaginn 4. september kl. 17:00**. fundurinn er haldinn í Gryfjunni (gengið inn að austan), léttar veitingar í anda heilsueflandi framhaldsskóla, kynning á skólastarfinu og foreldrum/forráðamönnum gefst tækifæri til að skoða aðstöðuna í skólanum. Þá hitta foreldrar/forráðamenn umsjónarkennara barna sinna.



Félagslíf nemenda

Nemendafélag skólans heitir [Þórduna](#) og skipuleggur það margs konar viðburði á skólaárinu. Nú er busahátíð lokið en sú hátíð er skipulögð af nemendafélaginu í samráði við félagsmálafulltrúa skólans sem eru tveir; Ómar Kristinsson og Valgerður Dögg Jónsdóttir. Formaður nemendafélagsins er Jónas Kári Eiríksson (formadur@thorduna.is). Fram undan eru klúbbakynningar og eru nemendur hvattir til að taka þátt í því starfi sem í boði er. Dæmi um klúbba sem eru hestaklúbbur, leikfélag, tölvuklúbbur, ljósmyndaklúbbur ásamt mörgum öðrum. Nemendur geta á hverjum tíma stofnað klúbb á áhugasviði sínu og fengið aðstoðu og upplýsingar í gegnum stjórn nemendafélagsins. Helstu viðburðir sem nemendafélagið skipuleggur á skólaárinu eru árshátíð, söngkeppni, íþróttakeppnir, busahátíð, stelpu- og strákakvöld og Opnir dagar sem haldnir eru á vorönn. Þá er nemendafélagið hagsmunafélag nemenda sem tekur þátt í samstarfi framhaldsskólanemenda í réttindamálum þeirra á landsvísu.

Skólasókn og skólareglur

Foreldrar og nemendur geta kynnt sér skólareglurnar á vef skólans (skólinn > skólareglur). Mikilvægt er að foreldrar tilkynni veikindi barna sinna til skrifstofu að morgni þess dags sem nemandi er veikur. Þrátt fyrir veikindatilkynningu fá nemendur fjarvistarstig ef þeir mæta ekki í kennslustund. Hins vegar er hægt að rekja fjarvistirnar ef þær eru tilkynntar. Kennarar geta séð í Innu hafi nemandi verið skráður veikur eða ef fjarvera hefur verið tilkynnt af öðrum ástæðum. Nemendur hafa ákveðið svigrúm til fjarvista sem duga í flestum tilfellum til vegna veikinda, læknisheimsóka og ferðalaga t.d. keppnisferða. Íþróttfélögin tilkynna í flestum tilfellum til stjórnenda um ferðir nemenda. Þess ber að geta að mætingarskylda í verklegum greinum og



Frá nýnemaferð að Hólavatni.

áföngum án lokaprófs getur verið meiri. Á vef skólans má sjá upplýsingar um kennara sem eru fjarverandi þann daginn. Alla jafna er ekki um afleysingarkennslu að ræða falli kennsla niður hjá kennurum nema um langa fjarveru sé að ræða.

Nokkrir kennarar eru með svokallaða **stoðtíma** en þangað geta nemendur leitað til að fá aðstoð með námið. Nemendur geta hitt t.d. íslenskukennara og fengið aðstoð hjá honum en þessi kennari er ekkert endilega sami kennari og kennir nemandum íslensku. Upplýsingar um stoðtíma sem byrja í næstu viku verða settar inn á heimasíðu skólans. **Bókasafn** skólans er kjörinn staður til að vinna heimavinnuna t.d. þegar nemendur eiga eyðu í stundatöflu. Allir sem gera sitt besta og sinna náminu uppskera í lok annar.



Námsmat

Í öllum kennsluáætlunum kemur fram hvernig námsmati í áfanganum er háttað. Þær má finna á vef skólans (námið > kennsluáætlanir > haustönn 2011). Þar geta nemendur og foreldrar/forráðamenn alltaf nálgast þær og skoðað áætlun um yfirferð og námsmat. Þar er t.d. hægt að sjá hvort um lokapróf sé að ræða í áfanganum auk tímasetninga á verkefnaskilum og kaflaprófum.

Heilsueflandi framhaldsskóli

VMA er þátttakandi í verkefninu Heilsueflandi framhaldsskóli. Verkefnið hefur farið vel af stað en síðata vetur var sérstök áhersla lögð á hollan mat. Nemendur og starfsfólk eiga þess kost að fá hollan og góðan mat í hádeginu en tryggt er að matseðlarnir uppfylli kröfur verlefnsins.

Athygli er vakin á því að nemendum/foreldrum gefst kostur á að kaupa matarkort sem gilda alla önnina. Slík kort eru mjög hagstæðu verði enda kostar þá máltíðin aðeins kr. 743. Boðið er upp á margs konar greiðslufyrirkomulag. Sjá nánar í frétt frá Lostæti á heimasíðu skólans, www.vma.is.

Áfram heldur verkefnið og á þessu skólaári verður lögð áhersla á mikilvægi hreyfingar.

Heimasíða skólans - www.vma.is

Á heimasíðu skólans má finna ýmsar upplýsingar um skólastarfið. Þar má nefna skólanámsskrá (sem er í endurskoðun), upplýsingar um brautir og starfsmenn skólans, kennsluáætlanir, uppbyggingu brauta og fleira og fleira. Þið eruð hvött til að skoða síðuna, við reynum líka að vera dugleg að setja inn fréttir hverju sinni.

Skóladagatal

Í upphafi hvernar annar er gefið út svokallað skóladagatal þar sem fram koma sérstakir frídagar og viðburðir. Þessa önnina verður til dæmis haldið upp á **afmælisdag Helga magra mánudaginn 29. október** með því að taka vetrarfrí. Nemendur þurfa að skila inn vali fyrir næstu önn fyrir **9. nóvember** og miðannar mat kemur til foreldra/forráðamanna eftir miðjan október.



Bráðhressir starfsmenn Lostætis.



Til foreldra sem eiga nemendur á heimavist/í leiguhúsnæði

Á hverju ári stunda margir nemendur nám við VMA sem búa fjarri foreldrum og fjölskyldum sínum annað hvort á heimavist eða í leiguhúsnæði. Ef nemendum vantar upplýsingar um hluti sem tengjast náminu og/eða því að búa á Akureyri er hægt að setja sig í samband við ýmsa aðila innan skólans t.d. umsjónarkennara og námsráðgjafa og spyrja þá um allt mögulegt t.d. getur verið flókið að panta tíma hjá lækni og nemendur ekki vissir hvert eigi að leita. Skjólafhjúkrunarfræðingur er með viðtalstíma í skólanum og á heimavist. Námsráðgjafar eru einnig til taks hér í skólanum. Þá getur skólinn komið til aðstoðar verði nemendur fyrir áföllum. Nemendur á heimavist hafa aðgang að kennslustofum MA síðdegis og á kvöldin en þar geta vistarbúar sinnt heimanámi. Einnig hafa nemendur í tónlistarnámi aðgang að þessum stofum til að æfa sig.

Að lokum...

Verið ófeimin að skipta ykkur af námi barna ykkar og koma með ábendingar um það sem betur má fara í skólastarfinu. Einnig viljum við heyra um það sem vel er gert. **Fjöldi innlendra og erlendra rannsókna hafa sýnt fram á að þátttaka og hvatning foreldra framhaldsskólanema hefur mjög jákvæð áhrif á námsgengi þeirra.**



Frá brautskráningu í Hofi í maí 2012